



Broj: 04-40-1-131/25
Sarajevo, 12.05.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 11.05.2025. do 08:30 sati 12.05.2025. godine

Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su osam manjih intervencija: jedna intervencija na pojavu dima u garaži, jedna na gašenju kabastog otpada na otvorenom prostoru, jedna tehnička intervencija na otvranja vrata stana i četiri obezbjeđenja (četiri objeđenja na na Međunarodnom aerodromu Sarajevo i jedno obezbjeđenja sportskog dokađaja).

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 11.05.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

- Uočene su izražene geološke promjene, uključujući formiranje pukotina uslijed pomjeranja tla, koje se kontinuirano šire i produbljuju.
- Prisustvo podzemnih voda, dodatno destabilizira tlo, uzrokujući formiranje plavnih površina i intenzivnu eroziju zemljišta u pravcu stambenih objekta u ulici Ablakovina.
- Lokalitet je ocijenjen kao najkritičniji, uslijed intenzivnih i dinamičnih geoloških promjena, te zahtijeva pojačan i kontinuiran monitoring.

2. Knjeginjac (Opština Istočni Stari Grad):

- Nije zabilježeno novo odlaganje građevinskog materijala, ali je uočeno slijeganje postojećeg deponijskog materijala uz početne znakove erozije.
- Opština Istočni Stari Grad je okončala izgradnju pristupnog puta do lokaliteta Curine njive, dok se radovi na drenažnim kanalima, započeti ranije u svrhu odvodnje površinskih voda i stabilizacije terena, trenutno ne izvode.

3. Bistrički potok (Općina Stari Grad Sarajevo – Boguševac i Opština Istočni Stari Grad):

- Korito potoka i dalje je djelimično zatrpano zemljano-kamenim materijalom i obrušenim stablima.
- Nisu zabilježene nove degradacije, niti su od strane Opštine Istočni Stari Grad poduzete mjere za uklanjanje postojećih prepreka.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (broj:08-40-1128-2/24 od 01.11.2024. godine i broj:08-40-1128-2.1/24 od 20.11.2024.godine), kao i važećih planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma.

U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 10°C, vlažnost zraka 76%, barometarski pritisak 939,2 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

- U cilju izgradnje tramvajske pruge Hrasnica-Ilidža izmjenjen je režim saobraćaja. Saobraća se usporeno, uz postavljenu privremenu saobraćajnu signalizaciju.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a